




# Peireascóp a dhéanamh



## Ullmhúcan

<b>RANG</b>	Rang a sé
<b>CUSPÓIRÍ</b>	<b>Snáithe agus Snáithaonaid:</b> Fuinneamh agus Fórsaí: Solas <b>Forbairt scileanna:</b> Ag dearadh agus ag déanamh
<b>NASCADH/COMHTHÁTHÚ</b>	<b>Matamaitic:</b> Ag tomhas, uillinneacha <b>OSIE: Stair:</b> Úsáid peireascóp i bhfomhuireán agus sna trinsí
<b>CÚLRA</b>	Is féidir scátháin a úsáid chun féachaint timpeall ar chúinní.  Nuair a bhuaileann ga solais scáthán ar uillinn, frithchaitear é ón scáthán ar an uillinn cheanna lenar bhuail an ga an scáthán i dtosach. Mar sin, má bhuaileann ga solais scáthán ar uillinn 45°, frithchaitear é ar uillinn 45°. Beidh an ga solais iompaithe trí uillinn 90°. Ciallaíonn sé seo gur féidir linn breathnú timpeall ar chúinní le cabhair scáthán.  
<b>ÁBHAIR / FEARAS</b>	Cairtchlár (bosca calóga arbhair) Dhá scáthán phlaisteacha. (7.5cm X 5cm) do gach peireascóp). Téip ghreamaithe Rialóirí Uillinntomhas Siosúir
<b>ULLMHÚCHÁN</b>	Bailigh na hábhair agus déan peireascóp roimh ré.  Tá sé áisiúil ceann a dhéanamh roimh ré mar bíonn sampla ar fáil do na páistí.
<b>SPRIOC CHEISTEANNA</b>	<b>Nuair a chaitheann tú liathróid le balla ar uillinn airithe cén treo a preabann sé ón mballa?</b> (Ar an uillinn cheanna). <b>Cén treo ina fhrithchaitear solas ó dhromchla lonrach?</b> (Ar an uillinn cheanna, ar nós na liathróide). <b>An féidir leat cúl do chloiginn a fheiscint?</b> (Bain úsáid as dhá scáthán). <b>Conas is féidir ga solais a iompú trí uillinn 90°?</b> (Bain úsáid as scáthán atá ar uillinn 45°). <b>Conas is féidir le mairnéalaigh i bhfomhuireán breathnú ós cionn an uisce?</b> (Baineann siad úsáid as dhá scáthán atá ar uillinn 45°, sé sin úsáideann siad peireascóp).
<b>SÁBHÁILTEACHT</b>	<b>Bí aireach leis na siosúir</b>
<b>LEATHNÚ</b>	Iompaigh an peireascóp bun ós cionn. An oibríonn se mar seo? An chuma cén bealach a bhfuil sé casta? Bain úsáid as cartún bainne folamh chun peireascóp a dhéanamh. Conas is féidir cúl do chloiginn a fheiscint? Smaoinigh ar bhealaí chun scátháin a úsáid.



# Tá Stáirse i ngach áit

## Tá Stáirse i ngach áit (ar lean)

### GNÍOMHAÍOCHT

Cuir cúpla braon den tuaslagán iadaín le gach ceann de na hearraí seo leanas agus breathnaigh má tá aon athrú ar dhath an iadaín le feiscint. Tá stáirse ann má athraíonn an dath go dúghorm.

Cláraigh na torthaí anseo:

Earra	Ar iompaigh an t-íadaín Gorm nó dúghorm	An raibh stáirse ann
Páipéar síoda		
Páipéar cistine		
Muga plaisteach		
Muga polystyrene		
Arán		
Práta		
Úll		
Briosca		

### SÁBHÁILTEACHT

Tabhair aire leis an iadaín agus bíodh na páistí faoi dhiansmacht ag daoine fásta; ná cuir an t-íadaín isteach sa bhéal. Ná coimeád an tuaslagán iadaín i dtaisce sa rangsheomra. Tabhair aire le héadaí mar fágann iadaín smál. Nigh na lámha i ndiaidh na gníomhaíochta.

### LEATHNÚ

#### Is féidir leis na páistí:

Eolas a fháil ar conas mar a úsáidtear stáirse.

*(Tá trí príomh úsáid ag stáirse – is mórbhia é, is ábhar ramhraithe d'anlann é, agus úsáidtear é chun cleandar a chur ar éadaí).*

Breathnú ar an t-ábhar pacála atá ar bhia chun a fháil amach an bhfuil stáirse ann. Tá stáirse le fáil in arán, pasta, gránach, prátaí, agus go leor eile.

Iniúchadh a dhéanamh ar Phirimid an Bhia.

Plé a dhéanamh ar na príomh saghas bia agus cad is cothú cothrom ann. *(Is iad carbaihiodráití, próitéiní, geireacha, vitimíní, mianraí na príomh saghsanna bia atá ann).*

Bosca lón folláin a dhearadh dóibh féin nó do pháistí óga.

Fiosrú a dhéanamh ar na saghsanna stáirse atá in úsáid ar fud an domhain.

Iniúchadh a dhéanamh ina rang féin ar cén saghas stáirse atá á ithe acu.

Staidéar a dhéanamh ar an nGorta Mór in Éirinn.

A gcuid stáirse féin a dhéanamh.

Taos Stáirse a dhéanamh – tá an obair seo salach go maith.

*Tá leagan splanbhunaithe den ghníomhaíocht seo ar fáil ar [www.primaryscience.ie](http://www.primaryscience.ie)*